



KYNNINGARBRÉF

HVAÐ EF ÉG VIL VERA HÉR er yfirskrift málþings sem Nýheimar þekkingarsetur stendur fyrir dagana 23. og 24. september nk. á Höfn í Hornafirði. Umfjöllunarefni málþingsins er ungt fólk, byggðafesta þeirra og framtíð á landsbyggðinni.

Á málþinginu verður sjónum beint að mikilvægu hlutverki ungs fólks þegar kemur að þróun og eflingu byggða. Tilgangur málþingsins er að skapa vettvang fyrir umræðu og miðlun þekkingar og reynslu hvað varðar þær áskoranir og tækifæri sem blasa við í tengslum við búsetuval, atvinnu- og byggðapróun og samfélagsþátttöku ungs fólks á landsbyggðinni.

Frummælendur á fyrri degi málþingsins verða Eva Mærsk, Lotta Svensson og Hugrún Harpa Reynisdóttir. Lotta Svensson hefur um árabil rannsakað stöðu og viðhorf ungs fólks á landsbyggðinni í Svíþjóð og Eva Mærsk hefur undanfarin ár unnið að rannsóknum á þessu sviði í Danmörku. Hugrún Harpa Reynisdóttir er forstöðumaður Nýheima þekkingarseturs og kom að stofnun HeimaHafnar.

HeimaHöfn, þróunarverkefni Nýheima þekkingarseturs og Sveitarfélagsins Hornafjarðar, verður kynnt. Verkefnið miðar að því að styrkja samkeppnishæfni og aðdráttarafl sveitarfélagsins sem framtíðarbúsetukost. Með ólíkum verkþáttum er unnið markvisst að því að stuðla að jákvæðri upplifun og viðhorfi ungmenna til framtíðarinnar í Sveitarfélaginu Hornafirði og efla tengsl þeirra við samfélagið.

Fulltrúum sveitarfélaga víðsvegar af landsbyggðinni er boðið til málþingsins og mun dagskrá þess miða að því að skapa tækifæri til samtals og miðlunar þekkingar á milli þátttakenda um málefni ungs fólks og byggðanna.





DAGSKRÁ

Málþingið hefst klukkan 13:00 þann 23. september en óformleg dagskrá verður á milli kl. 10 og 12 fyrir þá sem verða komnir til Hafnar. Þá munu gestir fá kynningu á starfseminni í Nýheimum auk þess sem farið verður í heimsókn í Vöruhúsið (FabLab Hornafjarðar), Horn Brugghús og á vinnustofu Hönnu Dísar Whitehead listhönnuðs. Sameiginlegur kvöldverður verður að kvöldi 23. apríl en málþingi lýkur á hádegi þann 24. september.

STAÐFEST ERINDI

- Dr. Eva Mærsk
„Making space for rural youth“
- Dr. Lotta Svenson
„To leave or to stay in rural areas - what opportunities, choices and support are needed?“
- Hugrún Harpa Reynisdóttir
„Hvað ef ég vil vera hér“
- Eyrún Fríða Árnadóttir verkefnastjóri Nýheima kynnir HeimaHöfn
- Ungmennaráð Sveitarfélagsins Hornafjarðar kynnt

Frekari upplýsingar um Dr. Evu Mærsk og Dr. Lottu Svenson er að finna neðst í skjalinu ↓





UPPLÝSINGAR


Skráning

Hægt er að skrá sig á annan hvorn eða báða dagana, en forskráningu lýkur 20.maí nk. Nauðsynlegt er að skrá sig á málþingið.

Skráningarhlekkur

Gisting

Nýheimar þekkingarsetur hefur leitað til gistiaðila á Höfn um samstarf vegna málþingsins. Eftirfarandi gististaðir hafa tekið frá herbergi en setja þarf skýringu við bókun: *Vegna málþings Nýheima þekkingarseturs*



Hótel Höfn (Eins manns herbergi: 30.400,-
Tveggja manna herbergi: 41.400,-) Morgunverður innifalinn.
Sími: 478 1240 Netfang: info@hotelhofn.is



Höfn Inn Guesthouse (Eins manns herbergi: 26.800,-
Tveggja manna herbergi: 31.800,-)
Sími: 478 1544 Netfang: hofninn@hofnaccommodation.is



Beryaya (Eins manns herbergi: 44.050,-
Tveggja manna herbergi: 48.100,-) Morgunverður innifalinn.
Sími: 444 4850 Netfang: hofn@icehotels.is



Hvammur gistiheimili (Tveggja manna herbergi 32.490,-)
Sími: 478 1503 Netfang: info@guesthouseinhofn.is





Dr. Lotta Svensson er sænskur félagsfræðingur sem tengist Rannsókn- og þróunardeild í Hälsingland (FoU Hälsingland). Starf hennar beinist að líf skjörum barna og ungmenna sem og byggðapróun.

Hún lauk doktorsprófi í félagsfræði frá Háskólanum í Linköping árið 2006 með ritgerðinni "To Win and to Disappear? The Driving Forces Behind Young People's Migration from Smaller Towns."

Rannsókn Svensson kannar hvernig ungt fólk í smærri samfélögum skynjar líf skjör sín og hvað hefur áhrif á ákvarðanir þess um annað hvort að vera eða flytja í burtu. Hún hefur einnig áhuga á því hvernig viðhorf og samfélagsgerð fullorðinna hefur áhrif á þátttöku og möguleika ungs fólks til áhrifa í nærsamfélagi sínu.

Með starfi sínu stuðlar Lotta Svensson að dýpri skilningi á félagslegum og skipulagslegum þáttum sem móta líf og val ungs fólks, sérstaklega í smærri bæjum og dreifbýli.



Dr. Eva Mærsk lauk doktorsprófi í félagsfræði og menningarlandfræði árið 2022 frá Center for Landdistriktsforskning (Danish Centre for Rural Research). Hún rannsakaði m.a. hvernig ungt fólk í háskólanámi notar (ó)hreyfanleika til og frá dreifbýli og þéttbýli sem mótandi hluta af framtíðaráformum sínum og frásögnum.

Undir yfirskriftinni „Making space for rural youth“ mun Eva Mærsk kynna möguleika og hindranir sem felast í því að vinna með menntun sem tæki til að koma í veg fyrir brottflutning ungs fólks. Kynningin mun veita yfirlit yfir nýjustu rannsóknir auk þess að kynna nýja sýn á hvernig vinna má með þátttöku og samsköpun ungmenna í tengslum við menningu ungs fólks og nemenda. Í erindinu verður sérstaklega fjallað um mikilvægi hlutverks ungmenna í samfélagsþróun og hvernig samsköpun bæjarbrags getur gefið tækifæri til að styrkja tilfinningatengsl ungs fólks við heimahagana, þannig að þau upplifi sig tilheyrast samfélaginu sem þau alast upp í.

